

抱朴子外篇卷二

晉 葛洪稚川撰

審舉卷第十五

抱朴子曰。華霍所以能崇極天之峻者。由乎其下之厚也。唐虞所以能臻巍巍之功者。實賴股肱之良也。雖有孫陽之手。而無騏驎之足。則不得致千里矣。雖有稽古之才。而無宣力之佐。則莫緣凝庶績矣。人君雖明並日月。神鑒未兆。然萬機不可以獨統。曲碎不可以親總。必假目以聞覽。借耳以廣聽。誠須有司。是康是寶。故聖王莫不根心招賢。以舉才為首務。施玉帛於丘園。馳翹車於巖薮。勞於求人。逸於用能。自槐棘降逮。皁隸論道經國。莫不任職。恭己無為。而治平刑措而化洽。無外。萬邦咸寧。設官分職。其猶構室。一物不堪。則崩挽之由也。然未貢舉之士。格以四科三事。九列是之自出。必簡標穎拔萃之俊。而漢之末葉。桓靈之世。柄去帝室。政在姦臣。網漏防濇。風頽教沮。抑清德而揚詔媚。退履道而進多財。力競成俗。苟得無恥。或輸自售之寶。或賣要人之書。或父兄貴顯。望名而辟命。或低頭屈膝。積習而見收。夫銓衡不平。則輕重錯謬。平斛不正。則少多混亂。繩墨不陳。則曲直不分。準格傾側。則淳雜實繁。以之治人。則虐暴而豺貪。受取聚斂。以補買官之費。立之朝廷。則亂劇於勢絲。引用鴛鴦。以為黨援。而望風向草。偃應事之康。何異懸瓦礫而責夜光。絃不調而索清音哉。何可不澄濁飛沉。沙汰臧否。嚴試對之法。峻貪夫之防。哉。殄瘁攸隕。可勿畏乎。古者諸侯貢士。適者謂之有功。有功者增班進爵。貢士不適。

謂之有過。有過者出位削地。猶復不能令詩人謚大車素餐之刺。山林無伐。檀兔宜之賢。况舉之無非才之罪。受之無負乘之患。衡量一失其格。多少安可復損乎。夫孤立之翹秀。藏器以待。儻瑣碌之輕薄。人事以邀逸。夫惟待價。故頓淪於窮瘁矣。夫唯邀逸。故佻竊而騰躍矣。蓋燕鷗屯飛。則駕鳳幽集。豺狼當路。則麒麟避遁。舉善而教。則不仁者遠矣。姦偽榮顯。則英傑潛逝。高概恥與闖茸為伍。清節羞入饕餮之貫。舉任並讓。則羣賢括囊。羣賢括囊。則凶邪相引。則小人道長。小人道長。則禱机比肩。頌聲所以不作。怨嗟所以嗷嗷也。高幹長材。恃能勝己。屈伸默語。聽天任命。窮通得失。委之自然。亦焉得不墮多黨者之後。而居有力者之下乎。逸倫之士。非禮不動。山峙淵渟。知之者希。馳逐之徒。蔽而毀之。故思賢之君。終不知奇才之所在。懷道之人。願效力而莫從。雖抱稷禹之器。資逸世之量。遂沈滯詣死。不得登敘也。而有黨有力者。紛然鱗萃。人之官曠。致者又美。亦安得不拾掇而用之乎。靈獻之世。閭官用事。羣姦秉權。危害忠良。臺閣失選。用於上。州郡輕貢。舉於下。夫選用失於上。則牧守非其人矣。貢舉輕於下。則秀孝不得賢矣。故時人語曰。舉秀才不知書。察孝行。父別居。寒清素白濁如泥。高第良將怯如雞。又云。古人欲達勤誦經。今世圖官免治生。蓋疾之甚也。于時懸爵而賣之。猶列肆也。爭津者買之。猶市人也。有莠者無分而徑進。空拳者望途而收迹。其貨多者其官貴。其財少者其職卑。故東園積賣官之錢。崔烈有銅臭之嗤。上為下儆。君行臣甚。故阿佞幸。獨談親容。桑梓議主。中正吏部。並為魁儉。各債其倨。清貧之士。何理有望哉。是既然矣。又邪正不同。譬猶水炭。惡直之人。

憎於非黨。刀尺顛倒者。則恐人之議己也。達不由道者。則患言論之不美也。乃共構合虛誣中傷清德。瑕累橫生。莫敢救拔。於是曾閔獲商臣之謗。孔墨蒙盜跖之垢。懷正居貞者。殞竿乎泥濘之中。而狡猾巧偽者。軒翥乎虹霓之際矣。而凡夫淺識。不辨邪正。謂守道者為陸沈。以復徑者為知變。俗之隨風而動。逐波而流者。要能復身於德行。苦思於學問哉。是莫不棄檢括之勞。而赴用賂之速也。斯誠有漢之所以傾。來代之所宜深鑒也。或曰。吾子論漢末貢舉之事。誠得其病也。今彼欲戒既往之失。避傾軋之路。改有代之絃調。防法翫之或變。令濮上巴人反安樂之正音。賡理之疾。無退走之滯患者。豈有方乎。士有丰姿豐偉。雅望有餘。而懷空抱虛。幹植不足。以貌取之。則不必得賢。徐徐先試。則不可倉卒。將如之何。抱朴子曰。知人則哲。上聖所難。今使牧守皆能審良才於未用。保性履之始終。誠未易也。但共遣其私情。竭其聰明。不為利慾動。不為囑託屈。所欲舉者必澄思以察之。博訪以詳之。修其名而考其行。校同異以備虛飾。令親族稱其孝友。邦閭歸其信義。嘗小使有忠清之效。治事之幹。則寸錦足以知巧。刺鼠足以觀勇也。又秀孝皆宜如舊。試經答策。防其所對之姦。當令必絕。其不中者。勿署吏。罰禁錮其所舉。書不中者。刺史太守免官。不中左遷。中者多不中者少。後轉不得過故。若受賕詎流而舉所不當。發覺有驗者。除名禁錮。終身不以赦令。原所舉舉者與同罪。今試用此法治。一二歲之間。秀孝必多不行者。亦足以知天下貢舉不精之久矣。過此則必多修德而勤學者矣。又諸居職其犯公坐者。以法律從事。其以貪濁贓汙為罪不足至死者。刑竟及遇赦。皆宜禁錮終身。輕者二

十年。如此不廉之吏。必將化為夷齊矣。若乃臨官受取金錢山積。發覺則自恤得了。免退則旬日復用者。曾吏亦將變為盜跖矣。如此則雖貢士皆中。不辭於官長之不良。或曰。能言不必能行。今試經對策雖過。豈必有政事之才乎。抱朴子答曰。古者猶以射擇人。况經術乎。如其金旃則未見餘法之賢乎此也。夫豐草不秀瘠土。巨魚不生小水。格言不吐庸人之口。高文不墮頑夫之筆。故披洪範而知箕子有經世之器。覽九術而見范生懷治國之略。省夷吾之書。而明其有撥亂之幹。視不害之文。而見其精霸王之道也。今孝廉必試經無脫謬。而秀才必對策無失指。則亦不得闇蔽也。良將高第。取其膽武。猶復試之以策。况文士乎。假令不能必盡得賢。能要必愈於了不試也。今且令天下諸當在貢舉之流者。莫敢不勤學。但此一條。其為長益風教。亦不細矣。若使海內畏妄舉之失。人人息僥倖之求。皆競逐之。和歸學問之本。儒道將大興。而私貨必漸絕。奇才可得。而役庶官可以不曠矣。或曰。先生欲急貢舉之法。但禁錮之罪。苛而且重。懼者甚衆。夫急變繁策。伯樂所不為。密防峻法。德政之所恥。抱朴子曰。夫骨填肉補之藥。長於養體益壽。而不可以救暍溺之急也。務寬含垢之政。可以蒞敦御朴。而不足以拯衰弊之變也。虎狼見逼。不揮戈奮劍。而彈琴詠詩。吾未見其身可保也。燎火及室。不奔走灌注。而揖讓盤旋。吾未見其焚之自息也。今與知欲賣譽者論此。是與跖議捕盜也。抱朴子曰。今普天一統。九域同風。王制政令。誠宜齊一。夫衡量小器。猶不可使往往而有異。况人士之格。而可參差而無檢乎。江表雖遠。密邇海隅。然染道化。率禮教。亦既十餘載矣。往雖暫隔。不盈百年。而儒學之事。亦不

偏廢也。惟以其土宇偏於中州，故人士之數，不得鈞其多少耳。及其德行才學之高者，子游仲任之徒，亦未謝上國也。昔吳王初年，附其貢士，見偃以不試，令太平已近四十年矣，猶復不試，所以使東山儒業衰於在昔也。此乃見同於左社之類，非所以別之也。且夫君子猶愛人以禮，況為其慍悌之父母邪？法有招患，令有損化，其此之謂也。今貢士無復試者，則必皆修飾馳逐，以競虛名。誰肯復開卷受書哉？所謂饒之適足以敗之者也。自有天性好古、心悅藝文、學不為祿、味道忘貧、若法高卿周生烈者，學精而不仕，徇乎榮利者，萬之一耳。至於甯越、倪寬、黃霸之徒，所以強自篤勵於典籍者，非天性也，皆由患苦困瘁，欲以經術自拔耳。向使非漢武之世，則朱買臣嚴助之屬，亦未必讀書也。今若取富貴之道，幸有意於學者，而復素無自然之好，豈肯復空自勤苦，執灑埽為諸生，遠行尋師問道者乎？兵興之世，武貴文寢，俗人視儒士如僕虜，見經誥如芥壤者，何哉？由於聲名背乎此也。夫不用，譬猶售章甫於夷越，徇髯蛇於華夷矣。今若遐邇一例明考課試，則必多負笈千里以尋師友，轉其禮賂之費，以買記籍者，不俟終日矣。抱朴子曰：才學之士，堪考孝者，已不可多得矣，就令其人若如桓靈之世，舉吏不先以財貨，便安臺閣主者，則雖諸經兼本解，於問無不對，猶見枉誣，使不得過矣。常追恨于時執事不重為之防除，余意謂新年當試貢舉者，今年便可使儒官才士，豫作諸策，計足周用，集上禁其留草，殿中封閉之，臨試之時，亟賦之，人事因緣於是絕。當答策者，皆可會著一處，高選臺省之官，親監察之，又嚴禁之，其交關出入，畢事乃遣。違犯有罪無赦，如此囑託之冀窒矣。夫明君恃己之不

可欺不恃人之不欺己也。亦何恥於峻為斯制乎。若試經法立。則天下不可以不立學官。而人自勤樂矣。漢四科亦有明解法令之狀。今在職之人。官無大小。悉不知法令。或有微言難曉。而小吏多頑。而使之決獄。是以死生委之。以輕百姓之命。付無知之人也。作官長不知法。為下吏所欺而不知。又決其口筆者。憤憤不能知食法與不食。不問不以付主者。或以意斷事。蹉跌不慎。法令亦可令廉良之吏。皆取明律令者。試之如試經。高者隨才品敘用。如此天下必少弄法之吏矣。理之獄矣。

交際卷十六

抱朴子曰。余以朋友之交。不宜雜淺。面而不心。楊雲攸譏。故雖位顯名美。門齊年敵。而趨舍異規。業尚乖互者。未嘗結焉。或有矜其先達。步高視遠。或遺忽陵遽之舊好。或間棄後門之類味。或取人以官。而不論德。或不遭知己。零淪丘園者。雖才深智遠。操清節高者。不可也。其進趨偶合。位顯官通者。雖面牆庸瑣。必友也。如此之徒。雖能令壤蟲雲飛。斥鷃戾天。手捉刀尺。口為禍福。得之則排冰吐華。失之則當春彫悴。余代其跡。恥與共世。窮之與達。不能求也。然而輕薄之人。無分之子。曾無疾非。俄然之詔。星言宵征。守其門廷。翕然詔倭。卑辭悅色。提壺執贄。時行索媚。勤苦積久。猶見嫌拒。乃行因託長者。以攝合之。其見受也。則踊悅過於幽繫之遇赦。其不可也。則懊悴劇於喪病之逮己也。通塞有命。道貴正直。否泰付之自然。津塗何足多咨嗟乎。細人豈不鄙哉。人情不同。一何遠耶。每為慨然。助彼羞之。昔莊周見惠子。從車之多。而棄其餘魚。余感

俗士不汲汲於攀及至也。瞻彼云云。馳騁風塵者。不憚建德業。務本求己。而徧徇高友。以結朋黨。謂人理莫此之要。當世莫此之急也。以獄時獨立者。為蒞各疏拙。以奴顏婢膝者。為曉解當世。風成俗習。莫不流遁。遂莫遂往。可慨者也。或有德薄位高。器盈志溢。聞財利則驚。見奇士則坐睡。繼縷杖策。被褐負笈者。雖文艷相雄。學優融玄。同之埃芥。不加接引。若夫程鄭王孫。羅褒之徒。乘肥衣輕。懷金挾玉者。雖筆不集禮。叔麥不辨。為之倒屣吐食。握髮余徒。恨不在其位。有斧無柯。無以為國家流鐵。濁於四裔。投畀於有北。彼雖赫奕刀尺。決乎勢力。足以移山拔海。嗟呼。能令泥象登雲。造其門庭。我則未暇也。而多有下意怡顏。匍匐膝進。求交於若人。以圖其益。悲夫。生民用心之不鉤。何其遽遽之不肖也哉。余所以同生聖世。而抱困賤本。後顧而不見者。今皆追瞻而不及。其不有以乎。然性苟不堪。各從所好。以此存亡。予不能易也。或又難曰。時移世變。古今別務。行立乎己。名存乎人。金玉經於不測者。託於輕舟也。靈烏萃於玄霄者。扶搖之力也。芳蘭之芬烈者。清風之功也。屈士起於丘園者。知己之助也。今先生所交。必清澄其行業。所厚必沙汰其心性。子然隻時。失其名輩。結讎一世。招怨流俗。豈合和光以籠物。同塵之高義乎。若比智而交。則白屋不降公旦之貴。若鈞才而遊。則尼父必無入室之客矣。抱朴子曰。吾聞詳交者不失人。而泛結者多後悔。故曩哲先擇而後交。不先交而後擇也。子之所論。出人之計也。吾之所守。退士之志也。子云玉浮鳥高。皆有所因。誠復別理。一家之說也。吾以為寔作不載之寶。不飛之鵬。不颺之蘭乎。且夫士亦損於夜光之質。垂天之大。含芳之卉。不朽之

蘭乎。且夫名多其實位過其才處之者猶勉免於禍辱。交之者何足以為榮福哉。由茲論之則交彼而遇者雖得達不足貴。託之而悞者譬如蔭朽樹之破竿也。彼尚不能自止其顛蹙。亦安能救我之碎首哉。吾聞大丈夫之自得而外物者其於庸人也。蓋逼迫不獲已而與之形接。雖以千計猶蚤虱之積乎衣而贅疣之攢乎體也。失之雖以萬數猶飛塵之去當岱。鄧林之墮朽條耳。豈以有之為益無之覺損乎。且夫朋友也者必取乎直諒多聞拾遺斥謬生無請言死無託辭終始一契寒暑不渝者。然而此人良未易得。而或默語殊塗或憎愛異心或感合良離或見利忘信其處今也譬猶禽魚之結侶冰炭之同器欲其久合安可得乎。夫父子天性好惡宜鈞而子政子驁評論異隔南山伯奇辯訟有無面別心殊其來尚矣。總而混之不亦難哉。世俗之人交不論志逐名趨勢熱來冷去見遇不改視迷不執有利則獨專而不相分有害則苟免而不相恤。或事便則先取而不讓值機會則賣彼以安此。凡如是則有不如無也。天下不為盡不中交也。率於為益者寡而生累者眾。知人之明上聖所難而欲力屬近才短於鑒物者務廣其交又欲使悉得可與經夷險而不易情歷危苦而相負荷者。吾未見其可多得也。雖搜琬琰於培塿之上索鸞鳳於鵲鵲之巢未為難也。吾亦豈敢謂藍田之陽丹穴之中為無此物哉。亦直言其稀已矣。夫操尚不同猶金沈羽浮也。志好之乖次猶火升而水降也。苟不同雖造化之靈大塊之匠不可使同也。何可強乎。余所稟訥駸加之以天挺篤嫺諸戲弄之事彈棋博奕皆所惡見及飛輕走迅遊獵傲覽咸所不為。殊不喜嘲戲。凡此數者皆時世所好莫不耽之而

余患關焉。故親交所以尤遠也。如以揆直好吐忠。蓋藥石所集。甘心者數。又欲加勉之以學問。諫之以馳競。其構瀟節其沈湎。此又常人所不能悅也。毀方瓦合。違情偶俗。人之愛及。甚所不堪。而欲好日新。安可待哉。知其如此。而不便改之。可不謂之闇於當時。拙於用大乎。夫交而不卒。合而又離。則兩受不弘之名。俱失克終之美。夫厚則親愛生焉。薄則嫌隙結焉。自然之理也。可不詳擇乎。為可臨觴拊背。執手須臾。欲多其數。而必其全。吾所懼也。或曰。然則都可以無交乎。抱朴子答曰。何其然哉。夫畏水者。何必廢舟楫。忌傷者。何必棄斧斤。交之為道。其來尚矣。天地不交。則不泰。上下不交。則乖。志夫不泰。則二氣隔并矣。志乖。則天下無國矣。然始之甚易。終之竟難。患乎所結。非其人。敗於爭小。以忘大也。易美金蘭。詩詠百朋。雖有兄弟。不如友生。切思三益。大聖所嘉。門人所以尊親。惡言所以不至。管仲所以免誅戮。而五霸立。子元所以去亭長。而驅朱軒者。友之力也。單絃不能發韶夏之和音。子色不能成哀龍之瑋輝。一味不能合伊鼎之甘。獨木不能致鄧林之茂。玄圃極天。蓋由眾石之積。南溟浩濶。實須羣流之赴。明鏡舉則傾冠見矣。義和照則曲影覺矣。藥括修則枉刺之疾消矣。良友結則輔仁之道弘矣。達者知其然也。所企及。則必簡乎勝己。所降結。則必料乎同志。其處也。必講道進德。其出也。則齊心比翼。否則鈞魚釣之業。秦則協經世之務。安則有以精義。危則有以相恤。恥令譚青專面地之駕。不使王貢擅彈冠之美。夫然後故交道可貴也。然虛實未易知。勢利生去就。積毀壞刎頸之契。漸漬膠漆之堅。於是。有忘素情之惆。或睚眦。皆而不思。遂令元伯巨卿之好。獨著於昔。張耳陳餘。

之變。屢構於今。推往尋來。良可歎也。夫梧禽不與鵲巢。同枝。麟虞不與豺狼連羣。清源不與濁
潦混流。仁明不與凶闇同處。何者。漸染漬而移直。道暴迫則生害也。或曰。敢問全交道可得聞
乎。抱朴子答曰。君子交絕。猶無惡言。豈肯向所異辭乎。殺身猶以許友。豈名位之足競乎。善交
狎而不慢。和而不同。彼有失則正色而諫之。告我以過則速改而不憚。不以忤彼心而不言。不
以逆我耳而不納。不以巧辨飾其非。不以華辭文其失。不形同而神乖。不匿情而口合。不面從
而背憎。不疾人之勝己。護其短而引其長。隱其失而宣其得。外無計數之諱。內遺心競之累。夫
然後鹿鳴之好全。而伐木之刺息。若乃輕合而不重離。易厚而不難薄。始如形影。終為參辰。至
歡變為篤恨。接援化成讎敵。不祥之悔。亦無以往者。漢季陵遲。皇靈不振。在公之義。替紛紛之俗
成。以違時為清高。以救世為辱身。尊卑禮讓。大倫遂亂。在位之人。不務盡節。委本趨末。背實尋
聲。王事廢者。其譽美矣。矣過積者。其功多矣。莫不飛輪兼策。星言假寐。冒寒觸暑。以走權門。飾虛華
之名於秉勢之口。獲非分之位於賣官之家。或爭所欲。還相屠滅。於是公叔偉長疾其若彼。力
不能正。不忍見之爾。乃發憤著論。杜門絕交。斯誠感激有為而然。蓋矯枉而過正。非經常之永
訓也。徒當遠非類之黨。慎詔黷之源。何必裸袒以詭彼己。斷粒以刺王食哉。夫反之為非。重諫
而不止。遂至大亂。故禮義之所棄。可以絕矣。

備闕卷十七

抱朴子曰。騷裏

於交切
騷馬也

能奮蘭筋以絕景。而不能履水以乘深。猛虎能吼雷霆以搏噬。而不能

踊雲霧以凌虛鴻鵠不能振翅於籠罩之中。輕鷁不能電擊於几筵之下。物既然矣。人亦如之。故能調和陰陽者。未必能兼百行。修簡書也。能敷五邁九者。不能全小潔經曲碎也。惠子上相之標也。而不能役舟楫以凌陽侯。漢高神武之傑也。而不能治產業端檢拮。淮陰良將之擘也。而不能修農商。免饑寒。周勃社稷之體也。而不能答錢穀責獄辭。若以所短事所長。則逸儕拔萃之才不用矣。責其體而論細禮。則匡世濟民之勲不著矣。天不能平其西北地不能隆其東南。日月不能摛光於曲穴。衝風不能揚波於井底。植齒則松檟不及一寸之筵。挑耳則棟梁不如鷦鷯之羽。彈鳥則千金不及丸泥之用。縫緝則長劍不及數分之針。何必伏巨象而捕鼠。制大鵬以司晨乎。故姜牙賣魚無所售。而見師於文武。將生憤慢於百里。而獨步於三槐。

擢才卷第十八

抱朴子曰。華章藻蔚。非矇瞍所玩。英逸之才。非淺短所識。夫瞻視不能接物。則哀龍與素褐同價矣。聰鑒不足相涉。則俊民與庸夫一繫矣。眼不見則美不入神焉。莫之與則傷之者至焉。且夫愛憎好惡。古今不均。時移俗易。物同價異。譬之夏后之璜。曩直連城。璽之於今。賤於銅鐵。故昔以隱居求志為高士。今以山林之儒為不肖。故聖人之良幹。乃閭俗之罪人也。往者之介石。乃末葉之羸劣也。弘偉之士。履道之生。其崇信匪徒重仞之牆。其淵澤不唯呂梁之深也。故短近不能賞。而淺促不能測焉。因以異乎已而薄之矣。以不求我而疾之矣。不貴不用。何足言矣。乃有播埃塵於白瑤。生瘡痂於玉腠。訕疵雷同。攻伐獨立。曾參蒙劫剽之垢。巢許獲穿窬之謗。

自匪明並懸象玄鑒表微者焉能披泥抽渝玉澄川掇沈珠哉夫珪璋居肆而不售矧乃翳於槃瓊乎奇士扣角而見過况乃潛於臯叢乎孫臏思騁其秘略而司馬刑之韓非願建其治績而李斯殺之賈誼慷慨懷經國之術而武夫排之子政忠良有匡危之具而恭顯陷之和氏所以抱璞而泣血禽息所以發憤而碎首也夫玉石易別於賢愚愛憎情篤於好士以易別之實合篤好之物猶獲罪截趾歷世受誣况乎難知之賢非意所急讒人畫蛇足於無形姦臣畏忠貞之害已體曲者忌繩墨之容夜裸者憎明燭之來是以高譽美行抑而不揚虛構之謗先形生影又無楚人號哭之存萬無一遇固其宜矣夫以玉為石者亦將以石為玉矣以賢為愚者亦將以愚為賢矣以石為玉未有傷也以愚為賢者亡之診也蓋診亡者雖存而必亡猶脈死者雖生而必死也可勿慎乎於戲悲夫其之愚者也昔仲尼上聖也東受累於齊人南見塞於子西文種大賢也初不齒於荆俗宋雍游於鈞如競年立功不亦難乎夫結緣玄黎非陶猗不能市也千鈞之重非賁獲不能抱也白雪之絃非靈素不能徽也邁倫之才非明主不能用也然耀靈光夜之珍不為莫求而虧其質以苟且於賤賈洪鍾周鼎不為委淪而輕其體取見舉於侏儒嶧陽雲和為不御而息唱以競顯於淫哇冠屨之德不以沈抑而履徑以割節於流俗是以和璧變為滯貨宋玉廢為勿用赤刀之鑊不得經歐冶之鑪元凱之疇終不值四門之闕也

任命卷第十九

抱朴子曰。余之友人。有居冷先生者。恬愉靜素。形神相忘。外不飾驚愚之容。內不寄有為之心。遊精墳誥。樂以忘憂。晝競羲和之末景。夕照望舒之餘耀。道靡遠而不究。言無微而不研。然車迹不勒。如案權右之國。尺牘不經。貴勢之庭。是以名不出蓬戶。身不離畝畝。於是晝亮天。倏而難之曰。余聞淵蟠起則玄雲赴。道化雷則逸才奮。故康衢有角歌之音。崑崙發凌風之迹。法之則收不賞之賈。踊之則起在天之舉。耀逸景於陽谷。播大明乎九坂。動陰當已。聲揚罔極。故尋仞之塗甚近。而弗往者。雖追風之腳。不能到也。極稅之下。至卑而不動者。雖鷗鴻之翅。未之及也。況乎寢足於大荒之表。斂羽於幽梧之枝。安得效信以尋景。振輕乎蒼霄。歲年期奄。再而不久。託世飄迅。而不再。智者履霜。則知堅冰之必至。處始則悟生物之有終。六龍促軌於大渾。華顛倏忽而告暮。古人所以映順流而頽歎。眄過隙而興悲矣。先生資命世之逸量。含英偉以邈俗。銳翰汪濊以波涌。六奇抑鬱而淵畜。然不能凌扶搖以高竦。揚清耀於九玄。器不陳於瑚璉之末。體不免於負薪之勞。猶奏和音於聲俗之地。鬻章甫於被髮之域。徒忘寤於翰林。銳意以窮神。崇琬琰於懷抱之內。吐琳琅於毛墨之端。躬困屢空之儉。神勞堅高之間。譬若埋尺璧於重壤之下。封丈錦於首匱之中。終無交易之富。孰賞堙翳之珍哉。大龍驥維繫。則無以別乎蹇驢。赤刀韜鋒。則曷用異於鉛刃。鱸鮓不居牛迹。大鵬不滯蒿林。願先生委龍蛇之穴。升利見之塗。釋尺庭之獨潔。覽二鼠而速寤。越窮谷以登高。襲丹藻以改素。競驚颺於清晨。不盤旋以詣夜。收名器於崇高。嚮鍾鼎之慶祚。相成一介之夫。採薇何足多慕乎。居冷先生應曰。蓋聞靈機

冥緬混茫渺昧禍福交錯乎倚伏之間興亡經綿乎盈虛之會退逝者不能脫逐身之景樂成者不能免理致之敗匠流末者未若挺治元兆之中整已然者不逮原本乎玄朴之外是以覺尺蠖者甘屈以保伸識通塞者不慘悅於否泰且夫洪陶範物大衆流形躁靜異尚翔沈舛情金寶其重羽於其輕萬隘者執束於滓汁達妙者逍遙於玄清潢沔納行潦而乃噓渤澥吞百川而不盈鮪鰕踊悅於泥濘赤螭凌厲乎高冥嚼香餌者快嗜欲而赴死味虛淡者含天和而趨生識機神者瞻無兆而弗惑閭休咎者觸強弩而不驚各附攸好安肯改營吾聞五玉不能自剖於嵩岫騰蛇不能無霧而電征龍淵不能勿操而斷犀兕景鍾不能莫扣而揚洪聲金芝湏商風而激耀倉庚俟煙煨以修鳴騶駿不苟馳以赴險君子不詭遇以毀名運屯則沈淪於勿用時行則高竦乎天庭士以自衒為不高女以自媒為不貞何必委洗耳之峻標效負俎之于榮哉大其窮也則有虞婆娑而陶鈞尚父見逐於愚嫗范生來辱於溺簣苦怪切龍也弘武匿奇於耕牧及其達也則淮陰投竿而稱孤文種解屨而行青傳說釋桀而論道管子脫桎為上卿蓋君子藏器以有待也畜德以有為也非其時不見也非其君不事也窮達任所值出處無所繫其靜也則為逸民之宗其動也則為元凱之表或運思於立言或銘勳乎國器殊塗同歸其致一焉士能為可貴之行而不能使俗必貴之也能為可用之才而不能使世必用之也被褐茹草垂綸置兔則心歡意得如將終身服寬乘輅兼朱重紫則若固有之常如布衣此至人之用懷也若席上之珍不積環堵之操不粹者予之過也知之者希名位不臻以玉為石謂鳳曰鸞者

非余罪也。夫汲汲於見知。悒悒於否滯者。常民之情也。浩然而養氣。淡爾靡欲者。無悶之至也。時至道行。器大者不悅天地之間。知命者不憂。若乃徇萬金之貨。以索百千之售。多矣。肝聲。我則未暇矣。

名實卷第二十

真八

門人問曰。聞漢末之世。雷賦之時。品藻乖濫。英逸窮滯。饕餮得志。名不準實。實不本物。以其通者為賢。塞者為愚。其故何哉。抱朴子答曰。夫雷霆輶礪。而或不聞焉。七曜經天。而或不見焉。豈唯形器有聾聵哉。心神所蔽。亦又如之。是以間格言而不識者。非無耳也。見英異而不知者。非無目也。由乎聰不經妙。而明不達奇也。夫智大量達者。盤桓以山峙。器小志近者。蓬飛而萍浮。夫唯山峙。故莫之能動焉。夫唯萍浮。故流而不滯焉。方之貨也。則絨連以待賈者。雖至珍而難售。鳴鼓以徇之者。雖見蔽而易盡。比之材也。則根結於嵩岱者。雖埭蓋千仞。垂蔭萬畝。而莫之知也。插株於塗要者。雖鈎曲戾細而速朽。而猶見用也。故廟堂有枯楊之瑚簋。窮谷多不伐之梓豫也。是竊華名者。螻蜥騰於雲霄。失實實者。羣虬論乎九泉。於是斥鷃凌風。以高奮。靈鳳卷翮。以幽戢。鉛鋒充太阿之寶。羊桃勑高切獨行貌也虎狼之資矣。夫佞者鼓珍賂為勁羽。則無高而不到矣。乘朋黨為舟楫。則無遠而不濟矣。持之以夙興側立。加之以先意承旨。其利口諛辭也。似辨。其道聽塗說也。似學。其心險貌柔也。似仁。其行污言潔也。似廉。其好說人短也。似忠。其不知忌諱也。似直。故多通焉。且亦奉望我者。欲我欲之。不求我者。我不能愛自然之理也。夫賢常

少而愚常多。多則比周而匿瑕。少則孤弱而無援。故人相汲引而崇正路。俊哲處下位而不見知。拔茅之義也。而負乘之厚興。亢龍高墜。泣血漣如。故子西逐大聖之仲尼。臧倉毀命世之孟軻。二生不免斯患。降茲亦何足言。斯禍蓋與開闢並生。苦之匪唯一世也。歷覽振古。多同此疾。至於驚蹇矯首於瑯琊。輦駢委牧乎林垌。彼已尸祿。邦國殄瘁。下凌上替。實此之由。或蟲流而莫斂。或逆竄於申亥。或擢助於廟梁。或絕命於望夷。蓋所拔之非真。而忠能之不用也。故明君勤於招賢。而汲汲於擢奇。道達凝滯。而嚴防壅蔽。才誠足委。不拘於屠釣。言審可施。抽之於戎戍。或舉於牛口之下。而加之於羣僚之上。或拔於桂梧之中。而任以社稷之重。故能勳業隆濟。拓境服遠。取威定功。垂統長世也。夫直繩者。枉木之所憎也。清公者。姦匿之所讎也。人主不能運玄鑒以索隱。而必須當塗之所舉。然每觀前代專權之徒。率其所舉。皆在乎附己者也。所薦者。先乎利己者也。毀所畏而進所愛。所畏則至公者也。所愛則同私者也。至公用則姦黨破。衆私立則主威奪矣。姦黨破則昇泰之所由也。主威奪則危亡之端漸矣。毀所畏則恐辭之不能。雖則割之猶未悔意焉。故必除之而後快也。彼進所愛則苦談之不美。雖位超之猶未逞心焉。故必危彼以安此也。是故抱柱而死無愆。而黜者有自來矣。所以體道合真。巖然特立才達量逸。懷霜履冰。思綿天地。器兼元凱。執己衡門。淵渟嶽立。寧潔身以守滯。恥脅肩以苟合。樂飢陋巷。以勵高尚之節。藏器全真。以待大年之盛。非時不出。非禮不動。結褐嚼蔬而不悒悒也。黃髮結舌而不恨恨也。尚也。安肯感太山之峻。以適鑿柄之中。斂垂天之羽。為戒旦之役。編於仕

類而如鬱屑兒之下。拾鸞鳳之羽。適榘棘之藪。然腐鼠於踞鵠而枉尺以直尋哉。且大賢之狀也。至拙。為味也甚淡。蕭然自足。泊爾無知。知之者稀。而不感。時不能用。而不問。雖并日無黎霍之糝。不以易不義之太牢也。雖緼袍無卒歲之服。不肯樂無道之狐白也。獨可散髮高枕。守其所有。以絕不曲躬低眉。求其所未湏也。德薄位厚。弗交也。名與實違。弗親也。榮華馳逐。弗務也。豪俠姦權。弗接也。俗說細辨。不答也。胛肩所赴。弗隨也。貌愚而志遠。面垢而行潔。確乎吾意。銓衡所不能測也。浩乎若滄海。斗斛所不能校也。峻其重仞之高。隱其百官之富。觀彼佻囂。若草莽也。邈世之操。眇焉冠秋雲之表。遺俗之神。緬焉棲九玄之端。雖窮賤而不可脅。以威。雖危苦而不可動。以利。其所業耳。可聞而不可盡也。其所執手。可見而不可論也。故疾之者。齊聲而側目。愛之者。寡弱而無益。亦猶撮壤不能填決河。升水不能殄原火。於是鼗鼓戢戢。雷霆之音。鞀力鞀鞀移鞀移。恣喋聲。聲音之響。豪意意美。具鮑佩御。玄色傾棄。而不羞。醜醜專權。灌于圖丘。汗血驅放。而垂耳。跋蹇驅騁。於鑾軒。此古人之所以懷沙負石。赴流魚葬。而不堪與之同世也。已矣。悲夫。然捐玄黎於滄潭。非夜光之不直也。由冥識焉。投彤盧而不變。非繁弱之不勁也。坐其賞焉。故瓊瑤俟荆和。而顯連城之價。烏號須逢門。而著陷堅之功。飛兔待子預。而騰騰。俊民值知己。而宣力。若夫美玉不出重岫。良弓不繫百札。驪駿不服朱軒。命世不履爵勢。則孰知其能。據符彩之耀。瞻頓雲禽於千仞。騁逸迹以追風。康庶績於百揆乎。夫其不遇。亦得不雜。操於瓦石。鈞賤於朽木。利鑲於下乘。等望於凡瑣哉。嗟乎。彌棘矢而望高。手於渠廣。策疲驚而求繼。軌於周